

Službene novine Federacije BiH, broj 66/11

Na osnovu člana 95. stav 1. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09 i 40/10), federalni ministar finansija - federalni ministar financija donosi

PRAVILNIK

O IZMJENAMA I DOPUNAMA PRAVILNIKA O DODJELJIVANJU IDENTIFIKACIONIH BROJEVA I POREZNOJ REGISTRACIJI POREZNIH OBVEZNIKA NA TERITORIJI FEDERACIJE BOSNE I HERCEGOVINE

Član 1.

U Pravilniku o dodjeljivanju identifikacionih brojeva i poreznoj registraciji poreznih obveznika na teritoriji Federacije Bosne i Hercegovine ("Službene novine Federacije BiH", br. 39/02, 1/03, 11/04, 2/10 i 83/10), član 7. mijenja se i glasi: "Porezna registracija poslovne jedinice nerezidenta, čije je sjedište pravnog lica izvan teritorije Bosne i Hercegovine, vrši se u nadležnom kantonalnom uredu Porezne uprave prema mjestu obavljanja djelatnosti te poslovne jedinice".

"Član 2.

Iza člana 12. dodaje se novo poglavlje IIa, i čl. 12a. i 12b. koji glase: "IIa - POSTUPAK POREZNE REGISTRACIJE POSLOVNE JEDINICE NEREZIDENTA I DODJELJIVANJE IDENTIFIKACIONOG BROJA

Član 12a.

Registracija poslovne jedinice nerezidenta i dodjela identifikacionog broja vrši se na slijedeći način: 1. Podnošenjem pismene prijave za registraciju poslovne jedinice nerezidentnog obveznika u kojem se navodi naziv i adresa poslovne jedinice nerezidentnog obveznika uz prilaganje slijedeće dokumentacije: - Ovjerenu kopiju registracije pravnog lica (koja nije starija od 6 mjeseci) izdatu od strane nadležnog organa iz države u kojoj je to pravno lice rezident; - Dokument o imenovanju odgovornog lica poslovne jedinice; - Ovjerenu kopiju ličnog dokumenta lica koje će predstavljati poslovnu jedinicu nerezidentnog obveznika u Federaciji; - Ovjerenu kopiju ličnog dokumenta i punomoć lica koje će registrovati poslovnu jedinicu nerezidentnog obveznika u Federaciji; - Za građevinske ili montažne radove koji traju duže od 6 mjeseci (ili period koji je utvrđen u ugovorima o izbjegavanju dvostrukog oporezivanja) kopiju ugovora. 2. Registracija poslovne jedinice nerezidentnog obveznika se vrši na propisanom obrascu - prijavi, koji je sastavni dio ovog Pravilnika. 3. Svi dokumenti iz tačke 1. ovog člana moraju biti prevedeni od strane ovlaštenog prevodioca. 4. Odredbe člana 9a. ovog pravilnika se ne odnose na poslovne jedinice nerezidenata."

Član 12b.

Ovlašteni predstavnik poslovne jedinice nerezidenta, dužan je u roku od pet dana od dana prestanka poslovnih aktivnosti nerezidentne poslovne jedinice podnijeti zahtjev za odjavu iz registra nerezidentnih poslovnih jedinica zbog prestanka rada nadležnom kantonalnom uredu Porezne uprave. Zahtjev za odjavu podnosi se na propisanom obrascu koji je sastavni dio ovog pravilnika."

Član 3.

Ovaj Pravilnik stupa na snagu danom objavljivanja u "Službenim novinama Federacije BiH".

Broj 05-02-6365/11 Oktobar 2011. godine Sarajevo

Ministar **Ante Krajina**, s. r.